



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrgense

Franz Wilhelm <Osnabrück, Bischof>

Coloniæ Agrippinæ

Impedimenta, Matrimonium impedientia.

urn:nbn:de:hbz:466:1-41233

Secunda. In linea transversa equali (quæ est inter personas à communi stipite æqualiter distantes) quot gradibus persona singule à communi stipite distant , totidem distant inter se ; unde Frater & Soror sunt in primo gradu lineæ transversæ , patruels & consobrini in secundo, Filii eorundem in tertio.

Tertia. In linea transversa inæquali, seu inter personas inæqualiter distantes à communi stipite , quot gradibus remotior persona distat à stipite , tot gradibus distant inter se : unde Patruus & Nepos, Filius & Soror patris, sunt consanguinei in secundo gradu. Quæ omnia patent in adjuncto Schemate.

Si forte coire nequibis ; scilicet ratione impotentia. Atque hæc sunt quæ matrimonium etiam contractum dirimant. Reliqua per se sunt clara.

Impedimenta, impediencia Matrimonium.

Praeter peccatum mortale & excommunicationem , sex potissimum reddunt matrimonium moraliter illicitum ; scilicet :
Ecclesiæ vetitum ; nec non Tempus feriatum ;
Atque Catechismus, Crimen, Sponsalia, Votum ;
Impediunt fieri, permittunt facta teneri.

Dicitur primo, Vetitum, id est, prohibitio Ecclesiæ; quæ fit ab Episcopo vel Parocho ob dubium impediendi alicujus vel inhabilitatis inter copulandos.

Dicitur secundo, Tempus feriatum, quod secundum Concil. Trident. Sess. 24 de Reformatione, incipit nunc ab Adventu Domini usque ad Epiphaniam inclusive ; & à die Cinerum usque ad Octavam Pasche inclusive : quibus tamen temporibus non prohibetur contractus aut consummatio Matrimonii, sed tantum solemnitas nuptiarum, v. g. Benedictio, deductio Sponsæ solemnis ad domum Sponsi, convivium nuptialia, &c.

Dicitur tertio, Catechismus; quod impedimentum contrahitur ab eo, qui respondet pro infante, quando supplentur Cerimonie

post Baptismum, collatum in necessitate. Sed videtur hoc impedimentum jam sublatum.

Dicitur quarto, Crimen; ut, 1, incestus cum consanguinea conjugis in primo vel secundo gradu, scienter admissus, (qui impedit matrimonium cum quacunque alia persona,) vel cum propria matre aut filia. 2, raptus alienæ personæ. 3, uxoricidium. 4, Presbytericidium. 5, susceptio propriæ prolis ex Baptismo, ad impediendam redditionem debiti. 6, Publica pœnitentia, quamdiu durat. 7, Matrimonium cum Moniali. Verum hæc per non usum sunt sublata.

Dicitur quinto, Sponsalia; scilicet si cum unâ contracta, & non dissoluta.

Dicitur sexto, Votum; scilicet simplex, sive castitatis, sive religionis, sive non nubendi.

Sunt præterea tria adhuc impedimenta Matrimonii.

Primum, Clandestinitas. Etsi enim valet matrimonium ubi Trident. Concil. non est receptum, si clandestine contrahatur; non licet tamen, sub mortali, clandestine contrahere. Vbi vero Concil. Trident. est receptum, matrimonium clandestinum est irritum.

Secundum, ommissio Benedictionis, saltem in primo matrimonio.

Tertium, si contrahatur matrimonium sine præviis proclamationibus.